

BULETIN unisel

UNIVERSITI SELANGOR

Peneraju Transformasi

**PENDAFTARAN PELAJAR
BAHARU CATAT
PENINGKATAN LEBIH
100 PERATUS**



**MAPIM-KPT
2015**



FADEX 2016
Mahu Bantu
Smart Selangor
Melalui Karya
Seni

40 Pelajar UNISEL
Syukur Dan Mahu
Manfaatkan
Biasiswa
Selangorku

Kerajaan
Negeri Kongsi
Pendekatan
Smart Selangor
Bersama Warga
UNISEL

dari meja editor



Assalamualaikum Warahmatullahi Wabarakatuh dan Salam Sejahtera

Segala puji dan syukur ke hadrat Allah SWT kerana dengan izin dan limpah kurnia-Nya, Buletin UNISEL keluaran Jun 2016 diper mudahkan penghasilannya. Ikhlas dari saya, terima kasih kepada semua yang membantu, hanya Allah SWT sahaja yang mampu membala segala bentuk pertolongan tersebut.

Sidang pembaca sekalian;

Jika keluaran April lepas saya ada menyentuh soal butir-butir transformasi yang sedang giat dilaksanakan oleh Presiden & Naib Canselor, Prof Dato' Dr Mohammad Redzuan Othman tetapi kali ini saya berbesar hati mengucapkan setinggi-tinggi tahniah kepada beliau yang berjaya merangkul Anugerah Utama Buku Ilmiah Terbaik oleh MAPIM-KPT 2015. Sesungguhnya kejayaan sebegini besar memberikan satu sinergi baharu kepada seluruh warga universiti untuk mengapai kejayaan serta cabaran berikutnya.

Dengan reputasi serta nama besar dalam dunia pendidikan sebelum ini, beliau merangka kejayaan-kejayaan baharu hanya semata-mata mahu menjadikan apa yang diperolehnya sebagai pemangkin buat yang

lain. Bahkan tidak keterlaluan, saya nyatakan disini, semenjak beliau menjawat jawatan sebagai Presiden & Naib Canselor, kebanyakannya masanya kini dikorbankan untuk universiti demi membawa satu tanda aras baharu persepsi masyarakat terhadap UNISEL. Secara peribadi, beliau mungkin kelihatan sudah berusia tapi apabila bertugas, rasanya tiga kali lebih muda berbanding saya.

Selain itu, jutaan terima kasih juga kepada Dato' Menteri Besar Selangor, YAB Dato' Seri Mohamed Azmin Ali kerana pada sesi pengulangan Persidangan Ke-4 Dewan Negeri Selangor 2016 telah mengumumkan Skim Dermasiswa yakni pelaksanaan yuran percuma buat Tahun Asas di UNISEL. Skim yang diperkenalkan bagi membuka peluang para pelajar untuk meneruskan pengajian di dalam dua bidang kritikal dan strategik – Sains dan Teknologi Maklumat secara percuma. Program perintis ini bukan setakat membantu pelajar cemerlang bahkan menyuntik nilai tambah dan prestij UNISEL sebagai universiti pilihan.

Dan, sebelum mengakhiri coretan, saya dengan ini mengucapkan tahniah kepada keseluruhan warga kerja universiti yang telah

membantu dalam memastikan kemasukan pelajar 'intake' Jun kali ini mendapat sambutan yang cukup mengalakkam. Sesungguhnya kejayaan sebegini sebenarnya merupakan tanda aras kepercayaan masyarakat khususnya pelajar terhadap UNISEL selama ini. Yakinlah, segala pengorbanan yang telah kita curahkan bukanlah satu perkara yang sia-sia, kerana komitmen besar kita bukanlah terhadap universiti akan tetapi pelajar itu sendiri.

Akhirnya, ampun maaf dipinta, jika ada tersilap kata atau terlanjur bahasa yang menguris hati sesetengah pihak di dalam penerbitan buletin kali ini. Sesungguhnya yang baik itu datangnya dari Allah SWT, dan khilaf itu dari pihak kami sendiri. Sekali lagi sebelum berundur diri, di bulan Ramadan ini marilah kita semua perbanyak amal ibadah agar pengisinya lebih bermakna. Marilah kita sentiasa menjaga ketakwaan kita kepada Allah SWT kerana apabila memikirkan betapa cepatnya berlalunya malam dan siang, hal ini akan mengingatkan kita, InsyaAllah.

Sekian

HASRIL ABU HASSAN

Ketua Editor

Sidang editorial

Buletin UNISEL mengalu-alukan sebarang penulisan rencana, cadangan atau komentar yang membina. Sebarang pertanyaan hendaklah dialamatkan kepada:

Pejabat Komunikasi Korporat

Tingkat 5, Bangunan Satelit
Jalan Zirkon A7/A, Seksyen 7
40000 Shah Alam
SELANGOR
Tel : +603-55223420
Email : corporate@unisel.edu.my
Website : media.unisel.edu.my

Penaung	: Prof Dato' Dr Mohammad Redzuan Othman Presiden & Naib Canselor	Wartawan	: Pejabat Komunikasi Korporat
Ketua Editor	: Hasril Abu Hassan Pengarah Komunikasi Korporat	Fotografi	: Pejabat Komunikasi Korporat
Editor	Pembantu Editorial: : Hasni Mohd Noor : Nor Hasnida Mohd Hosni : Aiman Mudzafer Mohamad Khairi		

kandungan

- 4 Prof Dato' Dr Mohammad Redzuan Othman Terima Anugerah Tertinggi MAPIM-KPT 2015
- 6 FADEX 2016 Mahu Bantu Smart Selangor Melalui Karya Seni
- ExhibiT 2016 Ruang Pelajar Pamer Ciptaan
- 7 MBI Lawat Asrama UNISEL Di MAIS
- Naib Canselor Bertemu Pensyarah Kukuhkan Hubungan
- 8 MPP Perlu Main Peranan Besar Untuk UNISEL
- Pendaftaran Pelajar Baharu Pengambilan Mac 2016 Catat Peningkatan Lebih 100 Peratus
- 9 40 Pelajar UNISEL Syukur Dan Mahu Manfaatkan Biasiswa Selangorku
- Lawatan Ke Asrama Bukti Naib Canselor Prihatin
- 10 UNISEL Mahu Terus Tingkatkan Kemudahan Dan Fasiliti Demi Keselesaan Pelajar
- UNISEL Cakna Dekatkan Mahasiswa Melalui Program Desa Angkat
- 11 UGT Season 2 Memukau
- Sumbang Kutipan Derma Larian Amal Kepada 60 Pelajar Tahfiz
- 12 Jelajah Kampung Caring & Sharing Tanam Sifat Bertanggungjawab
- The Color Run, Food Fest, Lets Get Fit : Zumba Dan Kickstart E-Biz Warnai Kampus Shah Alam
- 13 Kejayaan Ini Milik Universiti
- Kolokium Beri Pendedahan Pelajar Secara Saintifik
- 14 Kerajaan Negeri kongsi pendekatan Smart Selangor bersama warga UNISEL
- Pelajar Fakulti Kejuruteraan Terima Pingat Emas IEM 2015
- 15 AKS 2015 Iktiraf Kepimpinan Mahasiswa



*Antara penerima
anugerah pada
malam tersebut*




PROF DATO' DR MOHAMMAD REDZUAN TERIMA ANUGERAH TERTINGGI MAPIM-KPT 2015

PRESIDEN & Naib Canselor Universiti Selangor (UNISEL), Prof Dato' Dr Mohammad Redzuan Othman menerima Anugerah Buku Ilmiah Terbaik menerusi kategori Kemanusian dan Sains Sosial pada Majlis Anugerah MAPIM-KPT 2015 di Putrajaya pada 22 April lalu.

Beliau yang merupakan pengarang buku bertajuk 'Sekularisme dan Proses Demokrasi di Turki : Pemerksaan Islam dan Kepimpinan Edrogan' yang diterbitkan pada 2015 dipilih untuk menerima anugerah tertinggi tersebut.

Menteri Pendidikan Tinggi, Dato' Seri Idris Jusoh menyampaikan anugerah tersebut



Prof Dato' Dr Mohammad Redzuan (kanan) bersama Dato' Seri Idris

bertempat di bangunan Kementerian Pendidikan Tinggi.

Selain anugerah tersebut, lima lagi anugerah disempurnakan pada majlis sama.

Prof Dato' Dr Mohammad Redzuan melahirkan rasa gembira di atas pengiktirafan tersebut.

Menurutnya, anugerah diterimanya itu adalah satu perkara positif dan diharap dapat membantu merancakkan hasil penulisan akademik di negara ini.

"Alhamdulillah. Buku tulisan saya ini menang buat kali ke-2.

"Terima kasih kepada yang terlibat secara langsung dan tidak langsung. Terima kasih juga kepada penulis bersama Mashitah," katanya yang membawa pulang wang tunai RM12,000 beserta plak.

Turut berkongsi anugerah tersebut ialah Mashitah Sulaiman selaku pengarang bersama yang juga merupakan anak didik Prof Dato' Dr Mohammad Redzuan semasa menuntut di Universiti Malaya sebelum ini.

Mashitah kini bertugas sebagai Penyelaras Pusat Pengajian Teras Universiti Sains Islam Malaysia.



Prof Dato' Dr Mohammad Redzuan bersama Mashitah

WARGA UNISEL BANGGA DENGAN KEJAYAAN PROF DATO' DR MOHAMMAD REDZUAN



“Sebagai staf saya turut berbangga dengan apa yang dikehendaki oleh Naib Canselor kita. Tahniah kepada beliau,” Pembantu Tadbir Komunikasi Korporat, Nor Hasnida Mohd Hosni



“Bangga mempunyai Naib Canselor yang mengharumkan nama UNISEL di peringkat seperti ini. Ini membuatkan universiti kita lebih dikenali,” Pelajar Fakulti Perniagaan, Muhamad Hakimi Mohd Ibrahim



“Kejayaan ini wajar dicontohi oleh semua staf dan pelajar UNISEL untuk mengharumkan nama universiti,” Pembantu Tadbir Institut Latihan dan Kepimpinan, Fazliza Samsudin

“Anugerah diperoleh beliau boleh jadi pembakar semangat kepada para pelajar untuk berusaha sehingga berjaya,” Pelajar Fakulti Perniagaan, Farah Nurathiah Zulkefli



“Pencapaian ini harus diterjemahkan dengan mempertingkatkan usaha untuk lebih berjaya oleh seluruh warga UNISEL. Kita perlu mencontohi Prof Dato’ Dr Mohammad Redzuan,” Naib Yang Dipertua Majlis Perwakilan Pelajar 2016/17, Qurratu Anini Ali Mohamed

FADEX 2016 MAHU BANTU SMART SELANGOR MELALUI KARYA SENI



Prof Dr Mokhtar merasmikan FADEX 2016 disaksikan Prof Dr Abd Shukor



Prof Dr Abd Shukor (kiri) bersama Zaimi (tengah) dan Prof Dr Mokhtar semasa penyerahan cenderahati

PAMERAN Fakulti Seni Lukis dan Seni Reka (FADEX) 2016 diharap dapat mengangkat martabat seni visual serta karya kreatif para pelajar tahun akhir Fakulti Seni Lukis dan Seni Reka Universiti Selangor (UNISEL) dalam membantu Smart Selangor yang dilancarkan oleh Kerajaan Negeri baru-baru ini.

Dekannya, Prof Dr Abd Shukor Hashim berkata, beliau berharap pihaknya dapat membantu Kerajaan Negeri merealisasikan Smart Selangor melalui seni.

Menurutnya, hasil karya seni boleh memberi sumbangan dalam pelbagai sektor di negeri ini.

"Sebagai contoh sekiranya mahu mencipta iklan menggalakkan rakyat mengamalkan hidup sihat atau menjaga kesihatan

kita boleh menggunakan karya seni melalui reka bentuk iklan dan pelbagai cara kreatif.

"Itulah hasrat FADEX 2016 kali ini mengangkat martabat seni visual grafik dan juga fotografi untuk membantu Smart Selangor," katanya semasa pameran tersebut dijalankan pada 18 hingga 21 April lalu.

Turut hadir Naib Presiden & Timbalan Naib Canselor Akademik, Penyelidikan & Jaringan Industri, Prof Dr Mokhtar Abdullah, Adun Kota Anggerik, Yaacob Sapari dan Pengurus Hal Ehwal Korporat PETRON, Zaimi Harun.

Seramai 106 pelajar terlibat mempamerkan projek masing-masing sempena ulang tahun ke-10 FADEX.

Ia juga medan untuk mereka mempamerkan hasil karya masing-masing kepada pihak industri yang turut hadir ke pameran ini.

EXHIBIT 2016 RUANG PELAJAR PAMER CIPTAAN



Exhibit 2016 dijalankan semalam mempamerkan pelbagai ciptaan



Antara ciptaan animasi pelajar

FAKULTI Sains Komputer dan Teknologi Maklumat mengadakan Final Year Project Exhibit 2016 sebagai motivasi untuk para pelajar mempamerkan ciptaan masing-masing di Kampus Bestari Jaya pada 14 April lalu.

ia juga merupakan projek tahun akhir para pelajar sebelum menghadapi alam pekerjaan.

Melalui Exhibit 2016, pelajar berpeluang menunjukkan ciptaan sistem masing-masing berdasarkan keperluan program mereka.

Selain itu, para pelajar didekah dengan mengenai segala cabaran perlu mereka hadapi apabila memasuki alam pekerjaan kerana akan berdepan dengan dunia sebenar.

Mereka juga dapat berkongsi idea dan pembelajaran mengenai ciptaan masing-masing.



Melihat sebarang penambahbaikan yang perlu dilaksanakan dalam masa terdekat

PEMBERBADAN Menteri Besar (MBI) mengadakan lawatan ke asrama Universiti Selangor (UNISEL) Kampus Shah Alam di bangunan Majlis Agama Islam Selangor (MAIS) pada 23 Mac untuk melihat sebarang penambahbaikan yang boleh dilaksanakan.

Lawatan tersebut diketuai oleh Ketua Pegawai Eksekutif MBI, YM Raja Shareen YM Raja Othman dirungi oleh Presiden & Naib Canselor UNISEL, Prof Dato' Dr Mohammad Redzuan Othman.

Tujuan lawatan tersebut diadakan adalah bagi membolehkan MBI meninjau sendiri keadaan persekitaran asrama tersebut.

MBI mahu mengetahui apa fasiliti yang perlu diperbaiki untuk keselesaan para pelajar pada masa akan datang.



MBI LAWAT ASRAMA UNISEL DI MAIS

MBI meninjau keadaan asrama

NAIB CANSELOR BERTEMU PENSYARAH KUKUHKAN HUBUNGAN

PRESIDEN & Naib Canselor Universiti Selangor (UNISEL), Prof Dato' Dr Mohammad Redzuan Othman terus mengadakan perjumpaan bersama staf universiti dalam memperkuatkan hubungan.

Pada 25 Mac lalu, beliau bertemu dengan para pensyarah Kampus Shah Alam



Para pensyarah mendengar amanat disampaikan dengan teliti



Prof Dato' Dr Mohammad Redzuan sedang berucap

dalam usaha menjelaskan dengan lebih lanjut segala perancangan yang mahu dilaksanakan bagi tahun ini.

Melalui perjumpaan tersebut, beliau menyampaikan intipati pelan yang telah, sedang dan akan dijalankan.


Beliau menyeru para pensyarah untuk terus komited dalam melaksanakan tugas mendidik para pelajar walaupun sekiranya terdapat kekangan.

Pertemuan seperti ini dijadikan medan untuk beliau mengenali dengan lebih rapat semua staf tidak kira di peringkat apa.

MPP PERLU MAIN PERANAN BESAR UNTUK UNISEL

PRESIDEN & Naib Canselor Universiti Selangor (UNISEL), Prof Dato Dr Mohammad Redzuan Othman menyeru barisan Majlis Perwakilan Pelajar 2016/2017 yang baru dilantik untuk bekerja bersamanya menjadi penggerak universiti.

Prof Dato Dr Mohammad Redzuan mengingatkan MPP perlu memainkan peranan besar dalam memastikan universiti terus kekal cemerlang.



Menurutnya, MPP perlu mengetahui peranan mereka dalam membantu universiti.

"Sebagai MPP anda perlu ketahui peranan anda dalam membantu mahasiswa dalam sebarang isu serta membantu universiti.

"MPP juga perlu mengetahui potensi yang ada di dalam diri untuk menjadi pemimpin pada masa akan datang," katanya semasa berucap dalam Majlis Watikah Pelantikan MPP 2016/2017 dan Penghargaan MPP 2015/2016 di Kampus Shah Alam di sini 9 Mac lalu.

Muhammad Fakhru Amiruddin Hamdan dilantik sebagai Yang Dipertua MPP baru manakala Qurratu 'Anini Ali Mohamed sebagai Naib Yang Dipertua MPP.

Seramai 25 MPP dilantik bagi penggal ini mewakili 14 Bestari Jaya manakala selebihnya Shah Alam.

Prof Dato Dr Mohammad Redzuan turut mengajak MPP untuk merealisasikan segala



perancangannya yang dibuat dalam tempoh enam bulan.

Malah beliau mahu MPP melibatkan diri dalam lebih banyak program berbentuk kemasyarakatan.

Menurutnya, melalui kegiatan seperti itu ia secara tidak langsung membantu masyarakat mengenali UNISEL.

"Kalau boleh kena banyak lagi program kemasyarakatan supaya UNISEL dikenali.

PENDAFTARAN PELAJAR BAHARU PENGAMBILAN MAC 2016 CATAT PENINGKATAN LEBIH 100 PERATUS

TRANSFORMASI yang sedang giat dilaksanakan di Universiti Selangor (UNISEL) menunjukkan kesan cukup positif apabila jumlah pelajar yang mendaftar sempena pengambilan Mac 2016 pada 26 Mac lalu mencatat angka yang luar biasa.

Dengan peningkatan lebih 100 peratus berbanding jumlah pengambilan Mac dua tahun terdahulu, ia membuktikan UNISEL kembali mendapat kepercayaan daripada masyarakat serta para pelajar yang mahu menuntut di universiti ini.

Presiden & Naib Canselor UNISEL, Prof Dato' Dr Mohammad Redzuan Othman tidak menolak pencapaian memberangsangkan ini adalah hasil daripada usaha keras yang dilakukan oleh semua pihak.

Menurutnya, peningkatan ini membuktikan keyakinan semua pihak terhadap UNISEL.

"Trend ini sangat menggalakkan dan ia ada turning point untuk UNISEL buktikan kembali

dapat keyakinan pelajar.

"Tahniah kepada komunikasi korporat, pemasaran, fakulti dan jabatan yang berusaha keras dengan komitmen tinggi serta dapat jumlah pelajar mencukupi," katanya ketika ditemui di Dewan Canselor Kampus Bestari Jaya.

Prof Dato' Dr Mohammad Redzuan melawat sesi pengambilan pelajar baharu di Kampus Bestari Jaya

Sejak menjawat jawatan tersebut Januari lalu, beliau yang menggunakan slogan 'Peneraju Transformasi' berazam untuk melakukan perubahan secara besar-besaran.

Perubahan itu melibatkan pelbagai aspek antaranya dalam meningkatkan bilangan pelajar di UNISEL.





Nik Nazmi semasa merasmikan majlis tersebut



Antara penerima UNISEL



Nik Nazmi menyampaikan surat tawaran berasrama kepada pelajar UNISEL



Para penerima berasrama

40 PELAJAR UNISEL SYUKUR DAN MAHU MANFAATKAN BIASISWA SELANGORKU

40 PELAJAR Universiti Selangor (UNISEL) melahirkan kesyukuran kerana dapat meringankan beban apabila dianugerahkan berasrama Selangorku dari Kerajaan Negeri.

Pelajar Komunikasi dan Media, Mohamad Daniel Syah Yaakob, berkata, dia sangat bersyukur kerana layak menerima berasrama tersebut.

Menurutnya, berasrama tersebut membantu meringankan bebannya untuk mengharungi pelajaran di UNISEL.

Katanya, dia akan menggunakan berasrama tersebut dengan sebaik mungkin untuk memudahkan pembelajarannya.

"Saya bersyukur kerana diberikan berasrama ini membolehkan saya menggunakan sepanjang belajar di UNISEL."

"Terima kasih kepada Kerajaan Negeri kerana memberikan bantuan seperti ini,"

katanya ketika ditemui selepas Majlis Perasmian Biasiswa Selangorku 2016 di Bangunan SUK di sini 22 Mac lalu.

Seramai 103 orang pelajar UNISEL serta Kolej Universiti Islam Selangor (KUIS) dianugerahkan berasrama berjumlah keseluruhannya RM4.95 juta.

Majlis tersebut disempurnakan oleh Exco Pendidikan, Pembangunan Modal Insan, Sains, Teknologi dan Inovasi, Nik Nazmi Nik Ahmad.

Pelajar Fakulti Perniagaan, Intan Norsyahida Jamaluddin, berkata, dia tidak sangka diterima layak sebagai salah seorang penerima berasrama tersebut.

Intan Norsyahida berkata, dia berasa sangat bersyukur dan gembira kerana ia sekaligus mengurangkan beban kedua ibubapanya kerana terdapat adik beradik

masih bersekolah.

"Saya sangat bersyukur kerana berasrama ini dapat digunakan menampung perbelanjaan dan kurangkan beban ibu bapa."

"Lagipun kos sara hidup sekarang masih tinggi," katanya.

Dalam pada itu, Nik Nazmi berkata, beliau berharap berasrama ini dapat merealisasikan impian Kerajaan Negeri dalam melahirkan mahasiswa yang berdaya saing di negeri ini.

Menurutnya, beliau berharap semua penerima dapat memanfaatkannya sebaik mungkin.

"Ini adalah selari dengan hasrat Kerajaan Negeri yang mahu melahirkan lebih ramai graduan berpotensi di dalam bidang pendidikan."

"Gunakan berasrama ini dengan sebaik mungkin," katanya.



Prof Dato' Dr Mohammad Redzuan menarungkan jaket sebagai simbolik pelajar baru bergelar mahasiswa UNISEL



Bacaan ikrar dilafazkan wakil pelajar, Mohd Adib Mohd Yussof

"Antara penambahbaikan tersebut adalah melibatkan sistem komputer selari dengan keperluan teknologi hari ini," katanya ketika berucap sempena Minggu Tekad Siswa Pengambilan Mac di Kampus Bestari Jaya di sini pada 29 Mac lalu.

Beliau berkata demikian ketika mengulas mengenai pengumuman bantuan RM44 juta

UNISEL MAHU TERUS TINGKATKAN KEMUDAHAN DAN FASILITI DEMI KESELESAAN PELAJAR

UNIVERSITI Selangor (UNISEL) berazam untuk terus meningkatkan kemudahan serta fasiliti di universiti ini demi keselesaan para pelajar.

Presiden & Naib Canselor, Prof Dato' Dr Mohammad Redzuan Othman berkata, perkara tersebut sentiasa menjadi keutamaan

pihak universiti.

Menurutnya, keselesaan para pelajar perlu diberi perhatian dari masa ke semasa.

"Kita akan melaksanakan beberapa penambahbaikan untuk pastikan semua pelajar selesa di sini.

daripada Kerajaan Negeri pada pembukaan Sidang Dun Selangor.

Bantuan tersebut menunjukkan Kerajaan Negeri komited dalam membantu memastikan UNISEL dapat terus bersaing menjadi universiti cemerlang.

UNISEL CAKNA DEKATKAN MAHASISWA MELALUI PROGRAM DESA ANGKAT

SEBAGAI usaha mendekatkan mahasiswa dengan komuniti, Universiti Selangor mengadakan program UNISEL Cakna dengan mengadakan program desa angkat di kesemua sembilan daerah di negeri ini.

Program diadakan ini juga bertujuan untuk mahasiswa memahami isu serta masalah dihadapi oleh penduduk kampung.

Naib Presiden & Timbalan Naib Canselor, Pembangunan Pelajar & Jaringan Komuniti, Prof Dr Shaharuddin Badaruddin berkata,

program yang diselaraskan oleh Pusat Jaringan Komuniti UNISEL itu adalah secara tidak langsung bagi memberi pendedahan kepada para pelajar.

"Program ini dijalankan bagi membolehkan para pelajar mendekati masyarakat dan diberi pendedahan berdepan dengan komuniti.

"Mereka juga dapat mengenal pasti potensi komuniti," katanya selepas merasmikan Desa Angkat di Kampung Tanjung Jawa, Sabak Bernam pada 26 dan 27 Mac lalu.

UNISEL menjadikan dua buah kampung bagi setiap daerah sebagai desa angkat di mana keseluruhannya 18 kampung terlibat.

Dalam program tersebut, pemeriksaan kesihatan percuma diberikan oleh 40 mahasiswa kejururawatan



Prof Dr Shaharuddin di program UNISEL Cakna

dari Fakulti Bioperubatan dan Sains Kesihatan kepada penduduk.

Malah turut diadakan sesi penerangan mengenai kebersihan terutamanya melibatkan kanak-kanak.

Hari kedua diadakan gotong-royong membersihkan masjid dan sekolah.

Mahasiswa UNISEL mengadakan pemeriksaan percuma

UGT SEASON 2 MEMUKAU



Para tetamu yang menyaksikan konsert tersebut



Juri yang memberi komen persembahan peserta

UNISEL GOT Talent (UGT) Season 2 membuktikan para pelajar Universiti Selangor (UNISEL) bukan sahaja cemerlang di dalam pelajaran tetapi berbakat besar di dalam bidang seni.

UGT diadakan pada 1 April lalu menampilkan bakat terpendam 13 peserta yang bertanding.

60 peserta telah menyertai uji bakat yang dijalankan sebelum ini dan ia merupakan penyertaan yang luar biasa.

UGT musim kedua mempersembahkan pelbagai kelainan berbanding edisi pertama apabila mencatat penyertaan terbanyak.

Malah tambah menarik, ia turut disertai oleh pelajar antarabangsa selain artis

jemputan Akademi Fantasia 2015, Shahruh yang bertindak sebagai juri.

Selain itu, Ketua Juri pada malam tersebut adalah Komposer, Cikgu Rosli dan juga Juruhebah Radio Galaksi Muzik RTM, DJ Aliff.

Boleh dikatakan persembahan semua peserta ternyata memukau dan memberangsangkan.

Masing-masing menampilkan persembahan bertenaga dan ternyata saingan sungguh sengit.

Namun tuah malam tersebut menjadi milik Azren Albakri yang bergelar johan UGT diikuti, Nanga Youth Dancers dan The Minority Band.

Azren membawa pulang wang tunai RM1,000, baucar penginapan dua hari satu



Naib juara pada malam itu menari dengan penuh bertenaga



Azren merangkul tempat pertama

malam di Century Helang Langkawi dan keahlian di Rhyno Gym Bangi selama setahun, hamper kecantikan Coolitskincare serta trofi.

Lebih 1,000 penonton hadir menyaksikan UGT yang berlangsung dalam suasana penuh gilang-gemilang.

Turut hadir memeriahkan majlis adalah Timbalan Naib Presiden & Timbalan Naib Canselor Hal Ehwal Pelajar dan Jaringan Komuniti, Prof Dr Shaharuddin Badaruddin, Adun Ijok, Dr Idris Ahmad dan Pengurus Medifund Kuala Lumpur, Dato' Eric

SUMBANG KUTIPAN DERMA LARIAN AMAL KEPADA 60 PELAJAR TAHFIZ



Larian yang menyaksikan penyertaan 300 peserta

Senamrobik turut diadakan

SEBAGAI inisiatif membantu 60 pelajar Maahad Tahfiz Darul Itqan Al Muhammadi sehingga sepinggang akibat kebakaran pada 7 Mac lalu, pelajar Diploma Pengurusan Pentadbiran Fakulti Perniagaan Universiti

Selangor (UNISEL) mengadakan Charity Crown Run di Taman Botani Negara, Shah Alam pada 2 Mac lalu.



JELAJAH KAMPUNG CARING & SHARING TANAM SIFAT BERTANGGUNGJAWAB

PROGRAM Jelajah Kampung yang bertemakan Caring & Sharing anjuran Fakulti Perniagaan Universiti Selangor (UNISEL) diadakan pada 2 April lalu di Masjid Meranti, Pulau Meranti, Puchong adalah untuk menanamkan rasa bertanggungjawab kepada masyarakat.

Seramai 48 orang pelajar UNISEL Diploma Pengurusan Pentadbiran terlibat dalam program yang dapat menyemai kasih sayang bersama penduduk kampung berkenaan.

Dalam program bermula pada jam 8.30 pagi hingga 3 petang itu, pelbagai aktiviti menarik dijalankan antaranya gotong-royong,



Senamrobik diadakan bagi memupuk kesedaran menjalankan aktiviti sihat



Bersama penduduk di Masjid Meranti

pertandingan memasak, pertandingan mewarna dan pertandingan gubahan bunga.

Kemesraan penduduk bersama pelajar terserlah sepanjang program berlangsung.

THE COLOR RUN, FOOD FEST, LETS GET FIT: ZUMBA DAN KICKSTART E-BIZ WARNAI KAMPUS SHAH ALAM



Peserta mengadakan senamrobik terlebih dahulu



Peserta dilepaskan memulakan larian dengan dilemparkan pewarna

UNIVERSITI Selangor (UNISEL) Kampus Shah Alam dimeriahkan pada 9 dan 10 April dengan penganjuran The Color Run, Food Fest, Kickstart E-Biz serta Lets Get Fit : Zumba oleh pelajar Fakulti Perniagaan.

Penganjuran kesemua program berkenaan mendapat penyertaan memberangsangkan dari pelajar dan juga orang ramai.

Dalam acara The Color Run sejauh 5 kilometer itu, kira-kira hampir 300 peserta menyertainya.

Para peserta dilepaskan bermula di UNISEL dengan balingan pewarna ke arah mereka.

Selepas itu ia turut diserikan dengan acara mandi apabila Jabatan Bomba dan Keselamatan menyiram air kepada para

peserta.

Food Fest pula menyaksikan hampir 20 gerai makanan, minuman serta barang di perkarangan kampus.

Manakala Kickstart E-Biz diadakan di dalam Dewan Pro Canselor dan Zumba diadakan pada keesokannya.

KEJAYAANINI MILIK UNIVERSITI

PROF Dr Anuar Ahmad, mantan Presiden & Naib Canselor diberikan penghormatan menerima anugerah 'Education Leadership Award 2016' daripada The Golden Globe Tigers Award.

Ini merupakan kali kedua beliau menerima anugerah daripada The Golden Globe Tigers Award di mana pada tahun lalu Prof Dr Anuar menerima anugerah 'Award for Outstanding Contribution to Education'.

Prof Dr Anuar meluahkan rasa syukur atas kejayaan tersebut dan beranggapan kemungkinan penganjur melihat prestasi semasa universiti.

Malah, MyRA yang diperolehi yang membolehkan pelajar Ijazah Sarjana dan Ijazah Doktor Falsafah (PhD) tajaan

Kerajaan Persekutuan seperti MARA dan JPA dapat menyambung pengajian di universiti ini.

Katanya lagi, kejayaan ini adalah milik universiti, dan bukan secara individu.

Prof Dr Anuar cukup yakin UNISEL sedang mengorak langkah kedepan dengan kehadiran Prof Dato' Dr Mohammad Redzuan sebagai Presiden & Naib Canselor baharu yang dilihat cukup komited dalam mengalas tanggungjawab besar ini.

Tambahnya lagi, beliau menaruh harapan tinggi agar semua pihak berganding bahu memberi sokongan padu terhadap kepimpinan baharu agar universiti ini lebih berdaya saing dan maju serta dihormati semua pihak.



Prof Dr Anuar bersama anugerah diterimanya

KOLOKIUM BERI PENDEDAHAN PELAJAR SECARA SAINTIFIK

1ST Undergraduate Colloquium on Medical Laboratory Science : Accelerating Scientific Discoveries Towards Better Health dianjurkan oleh Fakulti Bioperubatan dan Sains Kesihatan Universiti Selangor (UNISEL) adalah untuk memberi pendedahan kepada para pelajar secara saintifik.

Seramai 56 pelajar tahun akhir fakulti berkenaan terlibat dalam program tersebut di mana beberapa pembentang terbaik menyampaikan hasil kajian penyelidikan mereka.

Dekannya, Prof Madya Dr Mohd Nazil Salleh berkata, program tersebut merupakan kali pertama diadakan dan akan diteruskan pada masa akan datang.

"Kita berharap dapat melahirkan graduan berketrampilan dan mampu bersaing dalam bidang penyelidikan," katanya pada 15 April lalu.

Majlis tersebut dirasmikan oleh Presiden dan Naib Canselor UNISEL, Prof Dato' Dr Mohammad Redzuan Othman.

Prof Dato' Dr Mohammad Redzuan menyifatkan program sebegini adalah sangat baik untuk para pelajar berkongsi pengetahuan.

Malah beliau berharap UNISEL dapat menjalankan lebih banyak penyelidikan boleh dimanfaatkan kepada masyarakat pada masa akan datang.

Prof Dato' Dr Mohammad Redzuan merasmikan majlis berkenaan



Prof Madya Dr Mohd Nazil menyampaikan cenderamata kepada Prof Dato' Dr Mohammad Redzuan (kiri)



Prof Dato' Dr Mohammad Redzuan berucap pada program berkenaan

KERAJAAN NEGERI KONGSI PENDEKATAN SMART SELANGOR BERSAMA



Dr Mohammad Fahmi semasa menyampaikan syarahan umum



Sesi soal jawab diadakan bagi memberikan penjelasan lebih tepat serta cadangan

KETUA Pegawai Eksekutif Pejabat Penasihat Ekonomi Selangor, Dr Mohammad Fahmi Ngah menyampaikan syarahan umum Smart Selangor kepada para pensyarah Universiti Selangor (UNISEL) dalam usaha menjelaskan dengan lanjut mengenai perkara tersebut pada 15 April lalu di Kampus Shah Alam.

Smart Selangor merupakan pendekatan diperkenalkan oleh Menteri Besar, Datuk

Seri Mohamed Azmin Ali pada Sidang Dewan Undangan Negeri (DUN) yang memfokuskan kepada rakyat baru-baru ini.

Untuk itu,

Dr Mohammad Fahmi mengambil kesempatan menerangkan perancangan Smart Selangor yang bakal memberi manfaat kepada rakyat negeri ini melalui penggunaan teknologi.

Smart Selangor mensasarkan untuk menyelesaikan permasalahan rakyat melibatkan ekonomi dan kualiti kehidupan.

Dalam syarahan tersebut turut diadakan sesi soal jawab di mana para pensyarah mengambil kesempatan bertanyakan sebarang soalan mengenai Smart Selangor.

Malah terdapat para pensyarah melontarkan idea mengenai apa yang mampu UNISEL tawarkan untuk Smart Selangor pada masa akan datang.



Prof Dato' Dr Mohammad Redzuan menyampaikan cenderahati kepada Dr Mohammad Fahmi



Dr Mohammad Fahmi menjawab pertanyaan diajukan pensyarah

PELAJAR FAKULTI KEJURUTERAAN TERIMA PINGAT EMAS IEM 2015

UNIVERSITI Selangor (UNISEL) sekali lagi dianugerahkan pingat emas Institut Jurutera Malaysia (IEM) 2015 buat kali ketiga.

Kali ini pelajar Ijazah Sarjana Muda Kejuruteraan Mekanikal Fakulti Kejuruteraan, Muhammad Asiff Razif Shah Ranjit menerima anugerah tersebut.

Muhammad Asiff menerima anugerah tersebut di Sunway Resort Hotel & Spa pada 16 April lalu dan membawa pulang pingat serta sijil daripada IEM.

Sebelum ini dua pelajar fakulti tersebut pernah dianugerahkan pingat yang sama.

Diharapkan kejayaan seperti ini menjadi pembakar semangat buat para pelajar UNISEL lain.





Prof Dato' Dr Mohammad Redzuan berucap pada majlis tersebut



Nik Nazmi menyampaikan ucaptama



Mohamad Arif Zaki (dua, kanan) menerima anugerah tersebut



AKS 2015 iktiraf kepimpinan mahasiswa

AKS 2015 IKTIRAF KEPIMPINAN MAHASISWA

ANUGERAH Kepimpinan Siswa (AKS) 2015 Universiti Selangor (UNISEL) diadakan buat julung kalinya adalah untuk memberikan pengiktirafan serta galakan kepada mahasiswa yang banyak berusaha menjadi modal insan holistik dan kompeten selari dengan kehendak universiti.

Malah anugerah ini dapat dijadikan pemangkin dalam membakar semangat para pelajar untuk menjadi pemimpin negara pada suatu hari sesuai dengan kehendak ekonomi dan pembangunan masa kini.

Presiden & Naib Canselor UNISEL, Prof Dato' Dr Mohammad Redzuan Othman berkata, AKS juga berperanan dalam mendorong persaingan sihat antara persatuan dan kelab

pelajar agar bergerak aktif demi mencapai kecemerlangan.

"AKS merupakan satu agenda penting yang digariskan dalam pentadbiran pengurusan baharu ke arah transformasi universiti.

"Dalam konteks mahasiswa, AKS mampu menjadi pemangkin dan inspirasi kepada mereka dalam usaha pihak universiti untuk melahirkan graduan yang berkelas tinggi serta mampu bersaing dalam alam pekerjaan kelak," katanya ketika berucap pada 13 April lalu di Dewan Pro Canselor, Kampus Shah Alam.

Turut hadir adalah Exco Pembangunan Modal Insan, Sains, Teknologi & Inovasi, Nik Nazmi Nik Ahmad dan Naib Presiden & Timbalan Naib Canselor Pembangunan Pelajar

& Jaringan Komuniti Hal Ehwal Pelajar, Prof Dr Shaharuddin Badaruddin.

Pejabat Exco menaja program tersebut dan Nik Nazmi menyifatkan beliau sentiasa menyokong sepenuhnya program para pelajar UNISEL.

Dalam majlis tersebut, Mohamad Arif Zaki Ali dari Fakulti Pendidikan dan Sains Sosial menerima Anugerah Kepimpinan Presiden dan Naib Canselor UNISEL dengan membawa pulang wang tunai RM1,500, trofi pusingan, trofi irungan dan sijil.

Beliau merupakan bekas Yang Dipertua Majlis Perwakilan Pelajar (MPP) UNISEL 2015/2016.

MOHON SEGERA



PENGAMBILAN
SEPTEMBER 2016
(TAHUN ASAS)
OGOS 2016
(DIPLOMA, SARJANA MUDA,
SARJANA & DOKTOR FALSAFAH)

UNISEL menawarkan lebih 80 program berakreditasi penuh di peringkat Tahun Asas, Diploma, Sarjana Muda, Sarjana dan Doktor Falsafah

PROGRAM

- » Program Asas Pendidikan (Pengajaran Bahasa Inggeris sebagai Bahasa Kedua)
- » Tahun Asas Pengurusan
- » Program Asas Teknologi Maklumat
- » Tahun Asas Sains

- » Kejuruteraan Awam
- » Kejuruteraan Elektrik & Elektronik
- » Kejuruteraan Mekatronik & Mekanikal

- » Pengimejan Perubatan
- » Fisioterapi
- » Teknologi Makmal Perubatan
- » Kesihatan Persekitaran
- » Kejururawatan
- » Keselamatan & Kesihatan Pekerjaan

- » Teknologi Maklumat
- » Aplikasi Komputer Dalam Perniagaan
- » Sains Komputer
- » Teknologi Mudahalih
- » Industri Multimedia
- » Pengurusan Pengetahuan
- » Kejuruteraan Perisian
- » Pengurusan Rantaian Bekalan
- » Keselamatan Rangkaian & Digital Forensik

- » Teknologi Industri
- » Akuakultur
- » Sains Kuantitatif
- » Industri Bioteknologi
- » Bioinformatik
- » Biologi dan Pemuliharaan
- » Matematik dengan Statistik

- » Pendidikan (TESL) Pengajaran Bahasa Inggeris Sebagai Bahasa Kedua
- » Pendidikan (Pengajian Pra Sekolah)
- » Pendidikan (Pengajian Islam)
- » Sains Perpustakaan
- » Psikologi Industri

- » Kewangan
- » Pemasaran
- » Perakaunan
- » Pengurusan Pentadbiran
- » Pengurusan Industri Sukan
- » Pengurusan Industri
- » Pengurusan Perniagaan
- » Pengurusan Sumber Manusia

- » Seni Reka Grafik Digital
- » Teknologi Fotografi

- » Komunikasi (Komunikasi Korporat)
- » Komunikasi (Kewartawanan)

Cara Memohon

Lengkapkan permohonan dalam talian di www.unisel.edu.my atau / hubungi 03-5522 3400 atau / whatsapp di nombor 019 - 327 8408 /8269

Akreditasi dan pengiktirafan oleh:

